



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

An Regularis exercens curam animarum puniri possit ab Episcopo. Cap.
XVI.

urn:nbn:de:hbz:466:1-11401

CAP. XV.

An, & quando Episcopus possit punire Regularem a suo conventu recedentem sine licentia superioris.

Non licet Regularibus a suis Conuentibus recedere etiam prætextu ad Superiores suos accedere, nisi ab eisdem missi, aut vocati fuerint. Qui verò sine prædicto mandato in scriptis obtento repertus fuerit, ab ordinarijs locorum tamquam desertor sui instituti punitur *ex Conc. Tridentino sess. 25. de Regul. cap. 4.*

2 Observant tamen DD. Concilium loco cit. non substulisse legitimam appellationem, *Nau. cons. 4. num. 5. de Appell. Ricc. in Prax. for. eccl. par. 4. ref. 329. & seq.* & idè si Regularis supra modum grauatus sine licentia ad suos Superiores pergat, vt à tali liberetur grauamine, non incideret in pœnas Concilij: quia dicens se grauatum, ob idque adiens Superiorem videtur appellare *cap. dilecti 2. de Appellat. Rodrig. qq. reg. to. 1. q. 30 art. 3. Cened. pp. qq. canon. 7. 26. nu. 20. vbi dicunt, quod in tali casu non esset necesse impetrare licentiam Prælati immediati, ad cuius grauamen tollendum pergitur ad Superiorem iuxta glos. in cap. cum pastoris 2. q. 7.*

3 Ex quo infert idem Cened.

loco cit. num. 22. Lexan. in Sum. qq. reg. to. 1. cap. 11. num. 11. Regularè non esse puniendum, si fidem faceret, se grauatum appellasse, vel de grauamine protestatum, iter asripuisse ad Superiorem, & idè licentiam in scriptis secum non deferre, quia Prælati, a quo appellauit, noluit eam sibi concedere.

4 Observant, 2. quod Religiosus ordinis Prædicatorum non habens licentiam potest ab ordinario puniri, etiam si adeat superiorè ex causa grauaminis: quia in Constitutionibus Fratrum Prædicatorum interdicitur ipsis Religiosis appellatio; & idè eo ipso, quod aliquis in prædicta Religione professionem emittit, videtur huiusmodi appellationi renunciare, *Cened. loco cit. nu. 22. Ricc. in Prax. par. 4. ref. 335.*

5 Hoc tamen intelligendum est, quando non est excessus in correctione, & mandata, vel præcepta Superiorum sunt rationabilia & legitime facta; nam si Superior in ijs deficiat, potest Religiosus appellatione tamquam iuris naturalis subsidio se tueri, *vt d. Nauar. d. cons. 4. num. 5. Ricc. in Prax. d. par. 4. ref. 336.*

S V M M A R I V M.

- 1 Regulares, quibus incumbit cura animarum personarum secularium, si delinquant in officio, ab Episcopo puniuntur.
- 2 An hoc procedat contra Rectores ecclesiarum militum S. Ioannis Hierosolymitani.

- 3 Canonicus exemptus per concordiam, si habeat curam animarum efficitur subditus Episcopi.
- 4 Qualiter puniendi sint Regulares in tali casu.
- 5 Superiores Regulares, si non deputent personas ad huiusmodi curam exercendam, ab Episcopo compelli possunt.
- 6 Quando Episcopus visitare possit Ecclesiam Regularium.
- 7 Regulares curam animarum huiusmodi exercentes Synodo interesse debent.
- 8 Qui si huiusmodi cura animarum exercentur per Sacerdotem saecularem in monasterio, in quo Generalis alicuius Religionis sedem ordinariam principalem habet.
- 9 An huiusmodi iurisdictio contra Regulares competat etiam Praepositis iurisditionem quasi Episcopalem habentibus.
- 10 An Episcopus in tali casu possit contra Regulares per censuras procedere.

CAP. XVI.

An Regularis exercens curam animarum puniri possit ab Episcopo.

- 1 **R**eligiosi, qui animarum curam personarum saecularium exercent, in ijs, quae ad dictam curam, & sacramentorum administrationem pertinent, subijciuntur iurisditioni, visitationi, & correctioni Episcopi: nec aliqui ad id etiam

ad nutum amovibiles deputari possunt, nisi de eiusdem consensu, ac praevio examine per eum, aut eius Vicarium faciendo: excepto monasterio Cluniacensis suis limitibus, & exceptis etiam ijs monasterijs, seu locis, in quibus Abbates, Generales, aut Capita ordinum sedem ordinariam principalem habent, atque alij monasterijs, seu domibus, in quibus Abbates, aut alij Regularium Superiores iurisditionem episcopalem, & temporalem in Parochos, & Parochianos exercent, ut in Concil. Trident. sess. 25. de Regul. cap. 11.

2 Eandem facultatem habent Episcopi quoad parochiales ecclesias militum S. Ioannis Hierosolymitani, & illarum Vicarios, Rectores, ac ministros, ex constitutione Pij V. incip. *Exposcit, quam refert. V. ulp. in Prae. iudic. cap. 42. num. 7. Barbof. post. 3. par. tractatus de offic. & pot. Episc. cons. 26.*

3 Ita etiam Canonici alias exempti a iurisditione Episcopi per concordiam, si habeat curam animarum, non obstante concordia efficitur subditus Episcopi *Seraphin. decis. 1058. num. 6.*

4 Observant tamen Doctores, Religiosos delinquentes circa curam animarum, vel administrationem Sacramentorum ab Episcopo esse puniendos iuxta ipsius ordinis regularia statuta intra septa regularis loci, ut ex constitutione Leon. X. notat *Lezan. in sum. qq. reg. tom. 1. cap. 11. num. 7.*

5 Observant 2. Sacerdotes siue saeculares, siue regulares ad exercen-

cedant huiusmodi curam ponendos esse, ad arbitrium Superiorum ipsorum Regularium, non autem ad arbitrium Episcopi, quamvis examinari, & approbari prius debeant ab Episcopo, antequam ponantur, *vt censuit Sac. Congregatio apud Piafec. in Prax. Episc. par. 2. cap. 3. nu. 46.* Si vero in deputando superiores negligentes fuerint, vel non deputarent tot personas, quot ad exercitium curæ sufficerent, ab Episcopo compelli possunt, *vt deputent iuxta decretum S. C. Congregationis, quod refert Ricc. in Prax. for. eccles. par. 3. ref. 269. Piafec. loca cit.*

6 Observant 3. posse Episcopum visitare ecclesias monachorum, seu Regularium, in quibus cura animarum exercetur, atque etiam inquirere, quomodo conferuetur Sanctiss. Sacramentum, & ecclesiastica ornamenta, *vt d. Ricc. in Prax. for. eccles. par. 2. resol. 276. & p. 4. ref. 181. & censuit Sac. Congreg. teste Barbos. de offic. & pot. Episc. par. 3. all. 74. num. 21. vbi etiam dicit, quod Parochus regularis extra Sacramentorum administrationem, & curam animarum delinquens non ab Episcopo, sed a suo Superiore puniendus est, vt censuit etiam Sac. Congregatio apud Ricc. in Prax. for. eccles. par. 1. ref. 523.*

Addunt alij, posse Episcopum visitare etiam ecclesias parochiales, in quibus Abbates iurisdictionem episcopalem, & temporalem in Parochia, & parochianos exercent, si Episcopus maiorem in

illis locis, & personis iurisdictionem habeat, *ita censuit Sac. Cong. Concilij apud Farinas. decis. 44. p. 4. Diuers.*

7 Observant 4. quod Regulares, qui curam animarum in ecclesijs exercent, possunt cogi ab Episcopis ad assistendum Synodo diocesane, quia cum hi quoad curam subint Episcopo, debent etiam Synodo interesse, vt informantur de necessarijs circa regimen animarum iuxta Conc. Trident. sess. 24. de ref. cap. 2. & d. Azor. to. 2. instit. mor. lib. 3. cap. 47. q. 3. Laurent. de Peirin. tom. 1. Priuil. minim. in constitutione 2. Iulij II. l. 25. num. 64. quos refert, & sequitur Lezan. in sum. qq. reg. to. 1. cap. 11. num. 20.

8 Observant 5. quod in monasterio, in quo Generalis alicuius Religionis Regularium sedem ordinariam principalem habet, etiam si in eodem monasterio personæ seculares curam animarum exerceant, quantum ad curam ipsam, & administrationem sacramentorum spectat, nulli visitationi, seu iurisdictioni Episcopi Diocesis, in qua monasterium situm est, subijciuntur, *vt censuit Sac. Congreg. Concilij teste Vulp. in Prax. iudic. cap. 42. nu. 6. Lezan. in sum tom. 1. cap. 11. num. 9.*

9 Observant 6. iurisdictionem tributam Episcopo in Concilio d. sess. 25. cap. 11. competere etiam Præpositis iurisdictionem quasi episcopalem habentibus, *vt censuit Sac. Congregatio. qua refertur inter decisiones nouiss. Diuers. par. 4. decis. 27.*

10 Potest autem Episcopus Regulares huiusmodi delinquentes circa curam animarum, & Sacramentorum administratione etiam censuris ecclesiasticis punire etiam extra visitationem ex constitutione Greg. XV. incip. Inscrutabili.

S V M M A R I V M.

- 1 Regulares ad publicas processiones non accedentes ab Episcopo puniri possunt etiam censuris, & alijs penis.
- 2 Item Sacerdotes seruientes Ecclesijs Equitum Hierosolymitanorum ad easdem processiones accedere debent.
- 3 Quae dicantur publicae processiones.
- 4 Quando Regulares non teneantur ad dictas processiones accedere.
- 5 Controuersa, qua in processibus oriri solent, ab Episcopo dirimuntur.

C A P. XVII.

An Regulares ad publicas processiones non accedentes puniri possint ab Episcopo.

I Xempti omnes tam Clerici Saeculares, quam Regulares quicumque etiam Monachi ad publicas processiones vocati accedere tenentur, ijs tantum exceptis, qui in strictiori clausura perpetud

viuant ex Concilio Tridentino sess. 25. de Regulo. cap. 13. alias ab Episcopo puniri possunt censuris, & alijs arbitrarijs penis, ut resoluisset Sac. Congreg. teste Ricc. in Prax. for. eccles. par. 2. res. 210. Comed. pp. 99. canon. q. 26. num. 16. Barbof. de offic. & pot. Episc. p. 3. all. 78. n. 25.

2 Item Sacerdotes seruientes in Ecclesijs Equitum Hierosolymitanorum ad huiusmodi processiones accedere debent, ut censuit Sac. Congreg. teste Vulp. in Prax. iudic. cap. 42. num. 9. Barbof. de offic. & pot. Episc. par. 3. all. 78. num. 1. Zerol. 1. p. in ver. processiones vers. ad secundum, vbi etiam dicit, quod processiones publicae dicuntur, in quibus adest Praelatus: alij vero sentiunt, publicas processiones esse, quae fiunt in festo Corporis Christi, in litanijs maioribus, vt in festo S. Marci, & in minoribus, vt in triduo antecedente Ascensionem Domini: vel quae indicuntur pro bono publico, vt imminente peste, vel alio flagello, vel in aduentu noui Episcopi, & quae fieri debent a Capitulo, & Clero sede vacante pro bono Pastore impetrando, ita Vulp. d. cap. 42. num. 9. & alij apud Barbof. loco cit. d. all. 78. num. 2. vbi etiam ad id refert decretum Sacrae Congregationis.

4 Regulares vero, quorum Conuentus per dimidium milliarem distat a Ciuitate, non tenentur accedere ad processiones, neque ad id compelli possunt, ut declarauit Sac. Congregatio apud Lenzan. in Summ. qq. Reg. 10. l. cap. 9. nu. 47. Vulp. d. cap. 42. n. 8. Barbof. d. par.